

聞喜縣志原本

聞喜縣志卷之五

人物上

虞

董父虞時人黃帝裔孫左傳晉太史蔡墨曰昔颶叔安有裔子曰董父甚好龍能求其嗜欲飲食之龍多歸焉乃擾蓄龍以服事帝舜帝賜姓董氏使豢龍封諸澠川澠夷氏其後也舜時世有蓄龍董氏所居地有陂澤多生蒲葦因名其里曰董澤裔孫辛有周人也其二子適晉爲太史籍廡與之共董督晉典狐其後也裔孫翳項羽封爲翟王都高奴子孫遂居隴漢董仲舒少子之孫自

聞喜縣志

卷之五

人物

一

廣川徙隴西又徙河東縣舊志載人物

周

程本字子華晉人反自郟遇孔子於途傾蓋而語孔子命子路贈以束帛韓魏爭侵地子華見昭僖侯侯有憂色子華子曰今使天下書銘於君之前曰左手攬之則右手廢右手攬之則左手廢然而攬之者必有天下君能攬之乎侯曰寡人不攬也子華子曰甚善自是觀之兩臂重於天下也身亦重於兩臂韓之輕於天下亦遠矣今之所爭者其輕於韓又遠君因愁身傷生以憂戚不得也侯曰善哉子華子可謂知輕重矣著有子華子卒

於曲沃葬龍頭山卽縣東龍頭堡平陽府志載人物

漢

裴遵伯益後秦非子孫封蜚鄉侯六世孫陵封解邑君除
邑從衣因以爲氏遵陵裔孫也歷燉煌太守自雲中從
光武平隴蜀徙居安邑曾孫業拜并州刺史度遼將軍
徙聞喜遂爲聞喜人通志載人物

裴茂業子字巨光靈帝時歷縣令郡守尙書建安初以奉
使率導關中諸將討李傕有功封陽吉平侯通志載人
物

裴綰茂子建安中尙書令裴氏分三眷河東爲中眷居燕

聞喜縣志

卷之五

人物

一一

者稱東眷居秦者稱西眷綰族卽中眷也通志載人物

裴輯茂子獻帝時工部尙書其族爲東眷通志載人物

魏

裴潛字文行茂子避亂荊州劉表待以賓禮潛私謂所親
王粲司馬芝曰劉牧非霸王之才乃欲西伯自處其敗
無日矣遂南適長沙荊州平參丞相軍事出歷三縣令
入爲倉曹屬魏武問曰卿以劉備才畧何如潛曰若乘
閒守險足以爲一方主時代郡烏丸王及大人凡三人
專制郡事前太守莫能治正以潛爲代郡太守將授精
兵鎮討之潛辭曰今多將兵徃必懼而據境少將則不

見憚宜以計謀圖之不可以兵威迫也單車之郡悉令還前後所掠而按誅郡中大吏通烏丸者十餘人北邊大震百姓歸心在代三年還爲丞相理曹掾魏武褒稱之潛曰潛於百姓雖寬於軍旅爲峻今代者事加寬惠彼素驕恣過寬必弛旣弛又將攝之以法以勢料之代必不靖後數十日而軍書至乃遣鄢陵侯彰征之潛出爲沛國相遷兗州刺史魏武次摩陂歎其軍陳齊整特加賞賜魏初入爲散騎常侍出爲魏郡潁川典農中郎將奏通貢舉比之郡國遷荊州刺史賜爵關內侯明帝初入爲尚書出爲河南尹轉太尉軍師大司農封清陽

亭侯邑三百戶入爲尚書令奏正百五十餘條喪歸拜光祿大夫正始五年卒遺令薄塋墓中惟置一座瓦器數枚贈開國公諡曰貞始潛自以爲父所不禮卽折節仕進清省恪簡每之官不將妻子妻子織藜苳以自供在兗州常作一胡床及去則畱以掛柱通志載人物裴徽字文秀茂子潛少弟有高才遠識善言元妙爲吏部郎時王輔嗣未弱冠往造焉徽一見而異之問曰無者誠萬物之所資也然聖人莫肯致言而老子申之無已者何弼曰聖人體無無又不可以訓故不說也老子是有者也故恒言其所不足徽累遷冀州刺史安平趙孔

曜謂其垂神幽藪留精九臯薦平原管輅於徽徽卽檄
召輅爲文學從事一相見清論終日不覺罷倦天時大
熱移牀在庭前樹下至鷄向晨然後出遂連轉輅鉅鹿
從事治中別駕又舉爲秀才徽嘗問輅何平叔一代大
名其實何如輅以爲少功之才徽曰誠如來論封蘭陵
子子四黎康楷綽其後多仕西涼爲西眷通志載人物
毋邱興邑邱村人黃初中爲武威太守伐叛柔服開通河
右名次金城從蘇則討賊張進及綏 有功雍州刺史
張旣表曰河右遐遠喪亂彌久武威當諸郡路道喉轄
之要加民爨雜處數有兵難領太守毋邱興到官內撫

聞喜縣志

卷之五

人物

四

吏民外懷 卒使柔服爲官效用黃華張進初圖逆
亂煽動左右興志氣忠烈臨難不顧爲將校民彞陳說
禍福言則涕泣於時男女萬口咸懷感激形毀髮亂誓
心致命尋率精兵蹶脅張掖濟拔領太守杜通西海太
守張睦張掖番和驪軒二縣吏民及郡 棄惡詣興
興皆安恤興每所歷盡竭心力誠國之良吏乃封高陽
鄉侯入爲將作大匠卒通志載人物

毋邱儉字仲恭興子襲父爵爲平原侯文學明帝初爲尙
書郎遷羽林監以東宮之舊甚見親待出爲洛陽典農
時取農民以治宮室儉上疏曰天下所急除者二賊所

急務者衣食誠使二賊不滅士民饑凍雖崇美宮室無益也遷荊州刺史青龍中以儉有幹策徙幽州刺史加度遼將軍使持節護烏丸校尉率幽州諸軍至襄平屯遼隧烏丸長右北平寇婁敦遼西護畱等率衆五千餘人降公孫淵拒戰不利引還明年偕太尉司馬懿討淵以功進安邑侯食邑三千九百戶正始中督步騎萬人出元菟諸道討句驪王宮宮將步騎二萬人進軍沸流水上大戰梁口連敗走儉遂束馬懸車以登丸都屠句驪都斬獲首從以千數令諸軍毋壞沛者得來墓伐墓樹放遣其妻子宮逃竄儉引軍還六年復征之宮奔買

溝儉遣元菟太守王頎追之過沃沮千餘里至肅慎氏南界刻石紀功穿山漑灌民賴其利遷左將軍假節監豫州諸軍事領豫州刺史儉爲鎮東都督揚州吳諸葛恪圍合肥新城儉與揚州刺史前將軍文欽禦之恪退還初儉與夏侯元李豐等厚善以文欽曹爽邑人數有戰功厚待之正元二年正月協謀罪狀大將軍司馬師移諸郡國舉兵令吏民大小皆入壽春城爲壇於城西歃血爲盟分老弱守城儉欽自將五六萬衆渡淮西至項儉堅守欽在外爲游兵至樂嘉欽子俶小字鳶尚幼勇力絕人謂欽曰及其未定擊之可破也於是分隊夜

攻師軍俶率壯士先至大呼師軍中震擾欽後期不應
會明俶退欽亦引還儉軍傳欽戰敗衆潰儉與弟秀及
孫重藏水邊草中安風津都尉張屬射殺儉秀重走入
吳邑祀鄉賢入山西正祀考著有文集二卷記三卷通
志載人物

毋邱甸字子邦儉子有名京邑爲治書侍御史嘗謂儉曰
大人居方嶽重任今宴然自守將受四海之責儉然之
甸知儉謀將發私出將家屬走靈山司馬師聞儉起兵
問屈頤所在云不來無能爲也師別將攻下靈山遇害
儉初起兵遣子宗四人入吳太康中吳平宗兄弟皆還

聞喜縣志

卷之五

人物

六

宗字子仁有儉風至零陵太守宗子奧巴東監軍益州
刺史通志載人物

晉

裴秀字季彥潛子少好學有風操八歲能屬文叔父徽有
盛名賓客甚衆秀年十歲有詣徽者出則過秀而嫡母
宣氏嘗使進饌於客見者皆起時人語曰後進領袖有
裴秀毋邱儉嘗薦秀於大將軍曹爽辟爲掾襲父爵清
陽亭侯遷黃門侍郎以爽故吏免尋爲廷尉正歷文帝
安東及衛將軍司馬軍國之政多見信納遷散騎常侍
伐諸葛誕以行臺豫參謀畧誕平轉尚書進封魯陽鄉

侯增邑千戶常道鄉公初進縣侯增七百戶遷尚書僕射咸熙初釐革憲司命秀改官制秀議五等之爵自騎督以上六百餘人皆封於是秀封濟川侯地方六十里邑千四百戶以高苑縣濟川墟爲侯國嘗言於文帝曰中撫軍人望旣茂天表殊特由是世子乃定武帝嗣王拜尚書令右光祿大夫封鉅鹿郡公邑三千戶有司奏郝詡事詔曰不能使人之不加諸我此古人所難交關人事詡之罪耳豈尚書令能防乎其勿有所問司隸校尉李熹復劾占官稻田詔又曰秀幹翼朝政有勲績於王室不可以小疵掩大德久之詔以秀爲司空秀儒學

洽聞且畱心政事其所裁當無違者又以禹貢山川地名以遠變易於是甄摘舊文疑者則闕古有名而今無者皆隨事注列作禹貢地域圖十八篇奏之藏於秘府泰始七年卒年四十八詔賜秘器朝服一具衣一襲錢三十萬布百尺諡曰元初秀以尚書三十六曹統事準例不明宜使諸卿任職未及奏而卒其友人料書記得表草言平吳之事封以上聞詔報曰司空薨痛悼不能去心又得表草雖在危困不忘王室盡忠憂國省益傷切輒當與諸賢共論也咸寧初配享廟庭著有易論樂論禹貢地域圖十八篇春秋土地名三卷文集三卷二

子濬頴濬嗣位散騎常侍早卒 子憬別封高陽亭
侯從子邈有時名官太傅左司馬散騎侍郎諡曰簡著
有文集二卷通志載人物

郭瑗爲尚書都令典時尚書杜預有所增損瑗多駁正之
以公方稱著終建干太守通志載人物

郭璞字景純瑗子好經術博學有高才而訥於辯論詞賦
爲中興之冠好古文奇字妙於陰陽算術惠懷之際河
東先擾璞筮之投策而嘆

於是潛結姻昵避地東南抵將軍趙

固固奇之厚加資給行至廬江乃過江宣城太守殷祐

聞喜縣志

卷之五

人物

八

引爲叅軍祐遷石頭督護璞復隨往王導深重之引叅
軍事時元帝初鎮建鄴導令璞筮之遇咸之井璞曰東
北郡縣有武名者當出鐸以著受命之符西南郡縣有
陽名者井當沸其後晉陵武進縣人於田中得銅鐸五
枚歷陽縣中井沸經日乃止反上爲晉王又使璞筮遇
豫之睽璞曰會稽當出鐘以告成功上有勒銘應在人
家井泥中得之繇辭所謂先王以作樂崇德殷薦之上
帝者也及太興初會稽郟縣人果於井中得一鐘長七
寸二分口徑四寸半上有古文奇書十八字云會稽嶽
命餘字時人莫識璞著江賦其辭甚偉復作南郊賦上

見而嘉之以爲著作佐郎時陰陽錯繆上疏言宜發哀矜之詔引在予之責蕩除瑕釁贊陽布德優詔報之其後日有黑氣復上疏言赦不宜數今之宜赦隨時之宜亦聖人所善頃之遷尙書郎璞旣好卜筮又以才高位下乃著客傲其辭尤美永昌元年皇孫生璞上言宜因國慶大赦天下納之時暨陽人任谷妖詭自云有道術畱於禁內復疏言宜遣谷出且曰臣忝荷史任敢忘直筆後谷竟亡走璞以母憂去職末期王敦起爲記室叅軍時潁川陳迹爲大將軍掾有美名爲敦所重未幾卒璞哭之哀甚呼曰嗣祖嗣祖焉知非福人莫喻其意時

明帝卽位踰年未改號而熒惑守房璞時休歸上遣使齎手詔問璞會暨陽縣復上言曰赤烏見璞乃上疏請改年肆赦王敦謀逆温嶠庾亮使璞筮之璞對不決嶠亮復令占已吉凶璞曰大吉嶠等退相謂曰璞對不了是不敢有言或天奪敦魄今吾等與國家共舉大事而璞云大吉是爲舉事必有成也於是勸帝討敦初璞每言殺我者山宗至是果有姓崇者搆璞於敦敦將舉兵又使璞筮璞曰無成敦固疑璞之勸嶠亮又聞卦凶乃問璞曰卿更筮吾壽幾何答曰思向卦明公起事必禍不久若徃武昌壽不可測敦大怒曰卿壽幾何曰命盡

今日日中敦怒收璞詣南岡斬之年四十九敦平追贈弘農太守子驚官臨賀太守著有周易察微經一卷周易洞林解三卷洞林別訣一卷周易髓周易新林四卷周易元義經一卷易通統卦驗元圖一卷易通統圖二卷易新圖序一卷易八卦內錄斗內圖一卷易斗圖一卷毛詩拾遺一卷毛詩畧四卷孝經錯緯爾雅注一卷爾雅圖一卷爾雅音義一卷注爾雅三卷續莖書一卷注揚子方言十卷鈔京費諸家要撮卜韻一篇郭璞集十七卷郭璞續集六卷注李斯蒼頡篇注揚雄訓纂篇注賈訪傍喜篇是爲三蒼共三卷穆天子傳六卷相如

聞喜縣志

卷之五

人物

十

傳序上林賦注注山海經十八卷山海經圖讚二卷山海經音二卷山海經圖十卷三命通照神白經二卷青囊補注三卷水經三卷注楚辭十卷序八五經一卷序狐首經一卷皆傳於世通志載人物

裴楷字叔則徽子明悟有識量弱冠與王戎齊名鍾會薦於文帝辟相國掾遷尚書郎賈充改定律令以楷爲定科郎詔楷於御前執讀善宣吐聽者忘倦武帝爲撫軍以楷爲參軍事吏部郎闕鍾會曰裴楷清通王戎簡要皆其選也遂爲吏部郎楷風神高邁博涉羣書時人謂之玉人又稱見叔則如近玉山照映人也轉中書郎出

入宮省見者肅然改容武帝探策以卜世數而得一楷
從容進曰臣聞天得一以清地得一以寧王侯得一以
爲天下貞上大悅俄拜散騎侍郎累遷散騎常侍河內
太守入爲屯騎校尉右軍將軍轉侍中楷性寬厚嘗取
貴要珍玩宿昔便以施窮乏營別宅從兄衍悅之卽以
與衍歲請梁趙二國租錢百萬以散親族人或譏之楷
曰損有餘以補不足天之道也與山濤和嶠并以盛德
居位上嘗問天下風聲何得何失楷對曰今四海承風
所以未比德於唐虞者但以賈充之徒尙在朝耳乃出
充爲關中都督上延公卿與論政道楷陳三五之風次

叙漢魏盛衰之迹上稱善楷子瓚娶楊駿女而楷素與
駿不平駿轉楷爲衛尉遷太子少師及駿誅衆人爲震
恐楷容色不變侍中傅祗救護止去官太保衛瓘太宰
亮稱楷正直不阿附乃封臨海侯食邑二千戶代楚王
璋爲北軍中侯加散騎常侍楷不敢拜轉尙書楷長子
輿先娶亮女女適衛瓘子楷因求出外鎮除安南將軍
假節都督荊州諸軍事垂當發而璋果害亮瓘楷單車
入城匿妻父王渾家得免璋誅爲中書令加侍中與張
華王戎並管機要楷不樂處勢王渾請轉爲光祿勳不
聽就加光祿大夫開府儀同三司及疾詔遣黃門郎王

衍省之楷回眸矚曰竟未相識衍深嘆其神儁楷有知人鑒初在河南樂廣僑居郡界未知名楷見而奇之致於宰府嘗曰夏侯元云肅肅如入宗廟中但見禮樂器鍾會如觀武庫森森但見矛戟在前傅嘏汪翔靡所不見山濤若登高臨下幽然深遠卒年五十五諡曰元五子輿瓚憲禮遜輿字祖明襲爵爲散騎侍郎卒諡簡著有文集二卷通志載人物

裴綽字秀舒徽少子器宇宏曠官至黃門侍郎長水校尉子遐善言元理音辭清暢冷然若琴瑟嘗與河南郭象談論一座嗟服又嘗在平東將軍周馥坐與人圍棋馥

聞喜縣志

卷之五

人物

十一

司馬行酒遐未卽飲司馬曳遐墮地遐徐起還坐顏色不變復棋如故其性虛和如此東海王越引爲主簿後爲越子毗所害通志載文苑

裴頡字逸民秀子宏雅有遠識博學稽古御史中丞周弼見而嘆曰頡若武庫五兵縱橫一時之傑也賈充卽頡從母夫表頡才德英茂詔襲爵固讓不許太康二年徵爲太子中庶子遷散騎常侍惠帝初轉國子祭酒兼右軍將軍初頡兄子憬爲白衣頡論述世勲賜爵高陽亭侯楊駿黨左軍將軍劉豫遇頡問太傅所在頡給之遂委而去尋詔代豫領左軍將軍屯萬春門及駿誅以功

當封武昌侯。願請封憬，不聽。累遷侍中，奏修國學，刻石寫經。皇太子旣請釋奠祀孔子，飲饗射侯，甚有儀序。願通博多聞，兼明醫術。又上言：宜改諸度量，若未能悉革，可先改太醫權衡，不能用樂。廣嘗與願清言，欲以理服之。而願辭論豐博，廣笑而不言。時人謂願爲言談之林。數願請增崇謝淑妃位號，仍啓增置後衛，率吏給三千兵。於是東宮宿衛萬人。遷尚書侍中如故，加光祿大夫。願與司空張華、侍中賈模議廢賈氏、華、模，不同謀。遂寢。願乃旦夕勸說從母廣城君，令戒諭賈氏親待東宮而已。遷尚書左僕射、侍中如故。願雖賈氏親屬，然雅望素

隆四海，不謂以親戚進也。惟恐其不居位，俄復使專任門下事，固讓不聽。願上言：賈模適亡，復以臣代。崇外戚之望，彰偏私之舉。后族何常有能自保？皆知重親無脫者也。然漢二十四帝，惟孝文、光武、明帝不重外戚，皆保其宗。豈將獨賢實以安理故也？昔穆叔不拜越禮之饗，臣亦不敢聞殊常之詔。又表云：咎繇謨虞，伊尹相商。呂望翊周，蕭張佐漢。咸播功化，光格四極。暨於繼體，咎單傳說。祖己、樊仲亦隆中興。或明揚側陋，或起自庶族。豈非尚德之舉，以臻斯美哉？歷觀近世，不能慕遠，溺於近情。昔疏廣戒太子以舅氏爲官屬，前世以爲知禮。况朝

廷何取於外戚正復才均尙當先其踈者以明至公漢世不用馮野王卽其事也表上皆優詔敦辟時以陳準子匡韓蔚子嵩並侍東宮顧諫曰東宮之建所與游接宜用成德童子侍從非光闡遐風之宏理也愍懷廢顧與張華苦爭不從顧深患時俗放蕩不遵儒術何晏阮籍素有高名口談浮虛不遵禮法至王衍之徒聲譽太盛位高勢重不以物務自嬰遂相倣效風教陵替乃著崇有之論以釋其蔽又著辯才論古今精義皆辯識焉初趙王倫諂事賈氏顧甚惡之倫數求官顧與張華復固執不許倫欲先除朝望因廢賈氏遂遇害年三十四

二子嵩該徙帶方倫誅追復本官改葬以卿禮諡曰成嵩嗣爵爲中書黃門侍郎荀綽稱其有父祖風該出後從伯譏爲散騎常侍並爲乞活賊陳午所害著有文集五卷祀鄉賢通志載文苑

裴瓚楷次子字國寶爲中書郎風神高邁見者皆敬之王綏每從瓚游綏父戎曰國寶初不來汝數往何也對曰國寶初不知綏綏自知國寶楊駿誅爲亂兵所害通志載人物

裴憲楷子字敬思少而穎悟好交輕俠及弱冠更折節嚴重修尙儒學足不踰闕者數年陳郡謝鯤潁川庾凱見

而奇之初侍講東宮歷黃門吏部郎侍中東海王越以爲豫州刺史北中郎將假節王浚承制以爲尙書永嘉末石勒破浚憲及荀綽恬然私室勒召詰之憲神色侃然請就辟有司不拜而出勒簿浚官寮親屬皆貲至巨萬惟憲與荀綽家有書百餘表鹽米各十數斛而已勒謂長史張賓曰名不虛也署從事中郎撰朝儀後至右光祿大夫司徒太傅封安定郡公憲未嘗以物務經懷二子挹穀並以文才知名通志載人物

裴邵康子字道期元帝爲安東將軍以邵爲長史王導爲司馬二人相與深交徵太子中庶子復轉散騎常侍使

聞喜縣志

卷之五

人物

十五

持節都督揚州江西淮北諸軍事東中郎將隨東海王越出項卒於軍及王導拜司空歎曰裴道期劉王喬在吾不得獨登此位導子仲豫與康同字導思舊好乃改爲敬豫通志載人物

裴嶷昶子字文冀清方有幹畧累遷中書侍郎轉給事黃門郎滎陽太守屬兄武爲元菟太守嶷遂求爲昌黎太守至郡久之武卒嶷被徵乃將武子開俱南道路梗塞與開投慕容廆首定名分爲羣士啓行廆甚悅以嶷爲長史委以軍國之謀及悉獨官寇逼城下嶷曰悉獨官雖擁大衆軍無號令衆無部陣若簡精兵乘其無備則

成擒耳虜從之遂陷寇營將遣使獻捷令疑將命疑盛言虜威暑舉朝改觀將還上試畱疑以觀之疑辭曰臣世荷朝恩濯纓華省因事遠寄投迹荒遐今遭開泰得覩朝廷復賜恩詔卽畱京輦於臣之私誠爲厚幸顧慕容龍驤將軍越在遐表乃心王室故遣使臣萬里表誠今若畱臣必謂國家遺其僻陋孤其丹心使懷義懈怠是以微臣區區忘國貪還反命耳上曰卿言是也乃遣疑還虜後謂羣僚曰裴長史名重中朝而降屈於此豈非天以授孤也出爲遼東相轉樂浪太守通志載人物裴天明顧從子諮議叅軍并州別駕子雙彪河東太守贈

聞喜縣志

卷之五

人物

十六

雍州刺史諡曰順雙彪子崧主簿行平陽郡事平蜀有功贈東雍州刺史崧子延雋有傳從子宣明華州刺史有惠政諡曰簡宣明子景鸞景鴻並有逸才時號景鸞爲驥子官華州刺史景鴻爲龍文官和夷太守景鸞子文瑞齊行臺郎景鴻子叔卿博涉有孝行號裴曾子隋貝邱令叔卿子神舉神符舉最知名平陽府志載人物

南宋

裴顛字彥齊澄從弟少有異操宋泰始中聰明觀聽講不讓劉秉席秉用爲叅軍歷奉朝請齊國建世子裴妃叙外戚譜顛不與遂與別籍順帝昇明三年四月下詔禪

位於齊司空褚淵等奉璽綬詣齊王勸卽皇帝位封宋主爲汝陰王築宮丹陽置兵守衛以淵爲司徒顓上表數齊王惡徑掛冠去遂遇害通志載人物

裴松之員外郎珪正子字世期博覽墳籍立身簡素拜殿中將軍義熙初爲故彰令在縣有績入爲尙書祠部郎表陳諸欲立碑者宜悉令言上爲朝議所許然後聽之庶可防遏無徵顯彰茂實由是普斷宋武帝領司州刺史爲州主簿轉中從事行州事宋國初建武帝敕毛德祖曰裴松之廊廟之才不宜久居邊務今召爲太子洗馬與殷景仁同可令知之時議立五廟樂松之言妃臧

氏廟宜與四廟同除零陵內史徵爲國子博士元嘉三年兼散騎常侍使湘州甚得奉使之義轉中書侍郎上使注陳壽三國志松之鳩集傳記廣增異聞旣成奏之上覽之曰裴世期不朽矣出爲永嘉太守勤恤百姓吏人便之後爲南瑯琊太守致仕拜中散大夫尋爲國子博士進大中大夫使續成何承天國史未及撰述卒著有文論晉記文集三十卷注喪服經傳一卷注三國志六十六卷國史要覽二十卷子駟南中郎參軍著有注司馬遷史記八十卷文集六卷裴氏家傳二卷通志載文苑

南齊

裴昭明駟子少傳儒史之業宋泰始中爲太學博士時議太子婚納徵用玉璧虎皮昭明日納徵儷皮鄭注云皮爲庭實鹿皮也晉太子納妃注以虎皮二太元中公主納徵虎豹皮各一此豈謂婚禮不祥王公之羞故取虎豹文蔚以尊其事虎豹雖文而徵禮所不言熊羆雖古而婚禮所不及珪璋雖美或爲用各異今宜準經誥凡諸僻謬一皆詳正於是參議加珪璋虎豹熊羆皮各二元徽中出爲長沙郡丞罷任刺史王蘊之曰卿清貧必無還資湘中人士有湏一禮之命者我不愛也昭明日

聞喜縣志

卷之五

人物

十八

下官忝爲郡佐不能光益上府豈以鴻都之事仰累清風歷祠部通直郎齊永明三年使魏武帝曰使還當以一郡相賞還爲始安內史郡人龔元宜以玉印玉板惑衆前後太守敬之昭明付獄案罪及還甚貧罄武帝曰昭明罷郡無宅不知古人誰可比遷射聲校尉九年復北使建武初爲安北長史廣陵太守歷郡皆清勤常曰人生何事聚畜一身之外亦復何湏子孫若不才我聚彼散若能自立不如一經故終身不事產業中興二年卒通志載文苑

梁

裴子野昭明子字幾原生而失母九歲祖母殷氏亡泣血哀慟少好學善屬文仕齊江夏王行叅軍父寢疾彌年禱請備至涕泗霑濡父夜夢見其容且召視如夢俄而疾閒以爲孝感命著孝感傳固辭及居父喪墓草爲枯白兔白鳩馴擾其側梁天監初尚書僕射范雲將表之會雲卒不果子野於樂安任昉爲從中表獨不至門久之始兼廷尉正同僚代署名奏不允從坐免或勸言之笑曰雖慚柳季之道豈因訟以受服終無恨意中書郎范鎮未相遇遷國子博士上表讓之有司以資歷非次不爲通後爲諸暨令不行鞭罰爭者示之以禮合境遂

無訟子野嘗欲繼成曾祖松之宋史業更撰宋畧二十卷叙事評論多善沈約嘆曰吾弗逮也蘭陵蕭琛亦美其評論曰可與過秦王命分路揚鑣矣吏部尚書徐勉言之武帝以爲著作郎掌修國史及起居注尋兼中書通事舍人除通直員外著作舍人如故敕掌中書詔誥時白題及滑國由岷山道入貢莫知所出子野曰漢潁陰侯

將一人服虔注云

又漢定

遠侯擊虜入滑此其後乎時人服其博識敕使撰方國志使圖凡二十國居繼母曹氏喪過禮復爲員外郎普通七年敕撰移魏文受詔立成上曰其形雖弱其文甚

壯俄又敕爲書喻魏相元乂夜受旨及五鼓催令速上徐起操筆昧爽便就上深嘉焉子野爲文典而速不尙靡麗制多法古或問其爲文速者答云人皆成於手我獨成於心遷中書侍郎鴻臚卿領步兵校尉在禁省十餘年默靜自守未嘗請謁所得俸悉給外家中表借官地二畝起茅屋數間妻子恒苦饑寒以教誨爲本子姪奉若嚴君大通二年卒遺命務存儉約上爲之流涕贈散騎常侍卽日舉哀賜諡貞子異數也著有喪服集註二卷附益諡法一卷鈔合後漢事四十卷續裴氏家傳二卷衆僧傳二十卷名僧錄十五卷百官九品志二卷

聞喜縣志

卷之五

人物

二十一

類林二卷方國使圖一卷文集二十卷宋書畧二十卷承聖降錄十卷又欲傳齊梁春秋事未就卒及葬湘東王爲墓誌銘陳於藏內邵陵王又立墓誌埋於羨道羨道列誌自此始子騫官至通直郎通志載孝義又載文苑

裴邃字深明魏冀州刺史徽之後也祖壽孫僑壽陽爲宋前軍長史父仲穆驍騎將軍邃十歲能屬文善左氏春秋齊末始安王蕭遙光引爲揚州參軍遙光敗還壽陽刺史裴叔業降魏隨衆北徙爲魏郡太守王肅鎮壽陽邃固求隨肅梁天監初自拔南還除後軍諮議參軍求

邊境自効爲廬江太守五年征邵陽洲魏人爲長橋斷
淮以濟遂築壘逼橋每戰輒克密作沒突艦會淮水雨
溢乘艦徑造橋側進擊大破之以功封夷陵縣子遷廣
陵太守旋左遷始安太守遂志立功致書呂僧珍曰昔
阮咸顏延有二始之嘆吾才不逮古人今爲三始非願
也將如之何後爲竟陵太守開置屯田公私使之再遷
西戎校尉北梁秦二州刺史復開創屯田數千頃倉廩
盈實省息邊運人吏獲安相率餉絹千餘匹遂從容曰
汝等不應爾吾又不可逆納其二匹而已入爲大匠卿
普通二年義州刺史文僧明以州叛入魏遂爲信武將

軍督衆軍討之深入魏境出其不意魏署義州刺史封
壽據檀公岷遂擊破之遂圍其城壽請降義州平除豫
州刺史加督鎮合肥四年督征討諸軍事先襲壽陽攻
其郭斬門而入一日戰九合以後軍蔡秀成不至拔還
復整兵令諸將各以服色相別遂自爲黃袍騎先攻拔
狄邱甓城黎漿等城又屠安成馬頭沙陵等戍明年畧
地至汝潁閒所在響應魏壽陽守將長孫承業與河閒
王元琛出城挑戰遂臨淮嘆曰今日不破河閒方爲謝
元所笑乃爲四甄以待之令直閣將軍李祖憐僞遁承
業等悉衆來追四 競發魏衆大敗斬首萬餘級承業

走邃疾篤命衆軍守備卒贈侍中左衛將軍進侯諡曰烈邃深沉有思畧爲政寬明能得士心居身方正有威重將吏少敢犯法及卒淮肥閒莫不流涕通志載人物裴之禮字子義邃子美儀容能言元理爲西豫州刺史母憂居喪惟食麥飯歷位黃門侍郎武帝設無遮會儻象驚排突陞衛王公皆散唯之禮不動上壯之以爲壯勇將軍北徐州刺史卒於少府卿諡曰壯通志載人物

裴之高字如山邃兄中散大夫髦之子也少負意氣常隨邃征討立功邃器重之戎政咸委焉壽陽之役邃卒於軍之高隸夏侯夔平壽陽除梁郡太守封都城縣男汝

聞喜縣志

卷之五

人物

二十二

陰來附勅應接之除潁州刺史父憂起爲光遠將軍平陰陵盜爲譙州刺史遷西豫州刺史率衆援臺城南豫州刺史鄱陽王範命總督江右援軍諸軍事頓張公洲柳仲禮至橫江遣船舸迎致與韋粲等俱會青塘及臺城陷還合肥與範西上元帝召爲侍中護軍將軍時之高弟之悌在侯景中或傳斬景上使報之之高竟無言直云賊自殺賊非之高所聞上深嗟其介直除特進金紫光祿大夫卒諡曰恭通志載人物

裴之平字如原之高弟少儻有志畧以軍功封費縣侯承聖中累遷散騎常侍太子詹事陳文帝初除光祿大

夫慈訓宮徵衛尉並不就築山穿石植卉木有終焉志
卒諡曰僖通志載人物

裴之橫字如岳之高少弟好賓遊重氣俠不事產業之高
爲狹被蔬食以激厲之之橫嘆曰大丈夫富貴必作百
幅被遂與僮屬百人營田芍陂竟致殷積梁簡文聞而
要之以爲河東王常侍遷直閣將軍與鄱陽王範世子
嗣入援臺城還合肥任約逼晉熙範令之橫下援範卒
乃還範副將梅思立密要尋陽王大心襲益城之橫斬
思立而拒大心大心降侯景之橫與之高歸元帝位廷
尉卿河東內史又隨王僧辯拒退侯景遷東徐州刺史

聞喜縣志

卷之五

人物

一二十三

封豫寧侯又隨僧辯破景入守臺城又隨討陸納於湘
州斬納將李賢明平之又破武陵王於峽口還除吳興
太守乃作百幅被以成其志齊攻東關爲徐州刺史都
督衆軍出守蘄城之橫營壘未周而齊軍大至兵盡矢
窮沒於陣贈司空諡曰忠壯子鳳寶嗣通志載人物
裴畿之高子太子右衛率雋州刺史魏攻江陵陷力戰死
之通志載人物

陳

裴忌字無畏之平子少聰明有識量涉史傳爲當時所稱
招集勇力陳武帝征討王僧辯弟僧智據吳郡黃他攻

之不能克命忌勒部下精兵自錢塘直趨吳郡夜至城
下鼓譟薄之僧智疑大軍至輕舟奔杜龕忌入據吳郡
授吳郡太守天嘉五年累遷衛尉卿封東興縣侯華皎
稱兵委忌總知中外城防諸軍事宣帝初改樂安縣侯
歷都官尚書北伐以本官監吳明徹軍淮南平授豫州
刺史忌善於綏撫甚得人和及呂梁軍敗囚於周授上
開府隋時卒於長安年七十三通志載人物

